

Niimiasë naporinso'

Niimiasë Yosë nontërinso'

1 ¹⁻²Caso Niimiasëco. Tatahuëso' Acariasë itopi. Artaquirquisë copirno ya'coninso', nani shonca iscon pi'ipi, iscon yoqui nisarin. Naporo yoquiso', pascoa yoqui quëran iscon yoquitarin. Caso, Sosa ninanoquë ya'huërahuë. Inaquë copirno ya'huërin ni'ton, canta inaquë ya'huërahuë. Inaquë ya'huëasoco Cota parti quëran iyahuë canquirin. Inaso', Anani itërai. Inarë chachin caraya quëmapi'sa huë'pi anta'. Canquihuachinara: “¿Onpopinta ipora Quirosarin ninanoquë quëparitopisopita ya'huëapi?” Itërahuë. ³“Inapitaso ya'huëaponaraihuë', na'con parisitapi. Ninano pairanën ohuatopiquëranchin ya'huëarin. Ya'coana onconano'santa', iráca ahuiquitopi. Inapoatona taparo nisapi,” itërinco iyahuë.

⁴Ina natanato pa'pi sëtërahuë. Huën-sërahuë quëran na'nëmiatërahuë. Naporahuato, na'a tahuëri co coshatorahuë', Yosë nontërahuë:

⁵“Quëmaso' Siniro Yosënuquën.

Inápaquë ya'huëaton chini chiní-quën nanantëran. Pa'pi huëhuëpiro nininsopita ninan. Nosororinquënso-pitarë'quën anoyatohuatana, no'të-quënáchin catahuaran. Camaitëran-sopitanta natëhuachinën inapotëran.

⁶Onpopionta Siniro nontëranquënso' natanco. Israiro'sacoiso', quëma piyapinënpitacoi. Inapita marë' tahuëri tashirë chachin nontaranquën. Tëhuëenchachin quiyaso' co natë-tëinquënhuë', oshahuanai. Canta',

quëmopinëhuëpitaro'co chachin oshahuanahuë. ⁷Pa'pi co noyahuë' nicatoi, camaitëransopita, pënëntëransopita, inapita co natëraihuë'. Quëma nohuanton iráca piyapinën Moisésë itopiso', inapita ninshitërincoi. ⁸Naporo chachin ina sha'huitëran: ‘Co'so' natëtonacohuë' oshahuan-pachina', ya'ipi parti isoro'paquë ayanquërahuë. ⁹Napoaponahuë', co noyahuë' yonquiramasopita a'porahuatoma casáchin tahuërétaantahuatamaco, noya ni'saranquëma'. Camaitërahuësopita noya natëantahuatama', huayonahuëso no'paquë chachin chinotaantaramaco. No'pa' nanirinquë huarë' quëpapirinënuquëmahuë tëranta', isëquë chachin quëantaranquëma', itërancoi.

¹⁰Quiyaso' quëma piyapinënpitacoi. Chini chiníquën nanantaton Iquipito quëran ocoirancoi. ¹¹Onpopionta Siniro nontëranquënso' natanco. A'napita piyapinënpitanta', nontarinënsó' natanquë'. Quiyaso' pa'ya-ta'huainquënsoráchin cancantarai. Copirno yanontërahuë. Nontohuato, quëma nohuanton noya natanatonco catahuainco,” itërahuë.

Niimiasë Quirosarinquë pa'ninso'

2 ¹⁻²Naporo' caso, Artaquirquisë copirno o'shitona'pico. Inaso copirno ya'conin quëran huarë', cato shonca pi'ipi nisahuaton, a'na yoquirá' nisarin. Naporo' o'shitasoco, pa'pi sëtërahuëso ni'nin. Ina nicaton:

“Pa'pi sètëran ni'nahuë. Carinquënso', co canioranhuë pochin ni'nanquën. Nanan ipora ya'huëtërinquën,” itërinco. Napotohuachincora, pa'pi pa'yanahuë.

³⁻⁵—Quëmaso' hua'anëhuënquën. Nanpimiataton hua'anëntocoi. Iráca shimashonëhuëpita Quirosarinquë ya'huëpi. Chimpinachinara, inaquë-ranchin nipa'pitopi. Inaso' ninano pairanën, inimicoro'sari iráca ohuatopi. Onconanënpitanta ahuiquitopi. Ipora huanta ina chachin nisárin. ¡Napoaton iporaso', co nanitërahuë' capa cancantahuasos! itërahuë.

—¿Ma quëranca catahuainquën nicaya? itërinco copirno. Napotohuachincora, Yosë inápaquë ya'huërinso nontahuato copirno natanahuë:

—Noya ni'patancoso', onpopionta Cotia parti a'paco panta'i. Inaquë paato Quirosarin ninano anoyatonta'i, itërahuë. ⁶Copirnosos', sa'in pirayan huënsëarin. Napotërahuëso' natanahuaton, itaponco:

—Pa'patan: ¿Onporota huënantaran? itërinco. Napotohuachincora, tahuëri huënanta'huaso sha'huitërahuë. Sha'huitohuatora, nohuantërin a'painsoso'. ⁷Naporahuaton chirinchiro'sa Iopiratisii' aquëtëran ya'huëpiso', anitotacaso marë' quirica copirno aninshitërahuë. “Inapitanta ma'marësona pa'sarahuëso' nitotatona', Cotia parti paca'huaso' quëchinaco ta'to,” naporahuë. Ina chirinchiro'saso', pi'i ya'coninso parti ya'huëpi. ⁸Asahua hua'an marënta', aninshitërahuë. Inaso' hua'an, copirno tananën a'paina'pi. Ama nara apiratiincoso marëhuë' aninshitërahuë. Yosë chinotacaso pëi pairanën ya'coanaro'sa marë' nohuantarahuë. Ninano pairanën ya'coanaro'sa marënta', nohuantarahuë. Caora pëinëhuë marënta', nohuantarahuë ni'ton, aninshitërahuë.

Inapita natanpatora, Siniro nohuanton co manta copirno apiratërincohuë'.

⁹Yahuë'patora, sontaro hua'ano'sa ca'tanaincoso marë' a'parin. Cahuarioro'saquë inahuanta imaquirinaco. Sontaro'santa cahuarioro'saquë chachin imaquirinaco. Iopiratisii' aquëtëran pi'i ya'coninso parti canquihuatoira, chirinchiro'sa copirnoru quirica a'pa-tiirinsos', quëtëra'piarahuë. ¹⁰Ina parti cato hua'ano'sa ya'huëpi: Sanparato, Topiasë, inapita itopisos'. Sanparatosos' Oron piyapi. Ya'huëre' Topiasëso', Amon piyapi. Inapitasos' israiro'sa catahua'huaso marë' huë'sarahuëso natantahuatona', pa'pi no'huitopi.

Ninano pairanën acoantacaso sha'huirinsos'

¹¹⁻¹²Napoin quëran Quirosarinquë canquirahuë huachi. Canquirahuato, cara tahuëri chinotërahuë. Naporo tashi caraya quëmapi'sarë'co huë'ërai quëran huënsërai. Naporo' Yosë ayonquirincosos', co inso tëranta sha'huichátërarahuë'. Huënsërahuato pa'nai. Casáchin cahuarioroquë pa'nahuë. A'napitasos', topinan ira patopi. ¹³Naporo tashi chachin motopiana ya'coana, itopitaquëchin pipirahuë. Panca ya'huan huinan itopiquë pa'sarahuë. Ina quëran amoro inquinan ya'coana itopiquë paantarahuë. Papo pochin ninano pairanën nírarahuë. Ya'ipi ohuatopi. Onconanënpitanta iráca ahuiquitopi nírarahuë. ¹⁴Ina quëran huinan ya'coana itopiquë paantarahuë. Ina pirayan copirno i'sha taparinsonta ya'huërin. Inaquë huarë' noya cahuarioroquë paporahuë', ina aquëtëso', co huachi onpo pacasohuë' niconin. ¹⁵Tashi chachin i'sha imacantarahuë. Ina quëran ninano pairanën nocorahuë. Tahuëre'antarahuato, pipirahuëtaquëchin ya'coantarahuë.

¹⁶Hua'ano'saso', pa'nahuëso' co nitotopihuë'. A'napita cotioro'santa', co manta sha'huichátërarahuë'. Corto hua'ano'sa', ma'huano'sa', hua'ano'sa', topinan piyapiro'sa', inapitanta pairaquë catahuatacaiso marë' co nonchátërarahuë'. ¹⁷Naporo' sha'huitërahuë huachi:

—Ya'ipinpoa naponin ya'huëarëhuaso', nitotërehua'. Quirosarin nina-noquë pëiro'sa ohuatëra'piapi. Paira onconanënpitanta iráca ahuiquitopi. Napoaton sacai ya'huëarëhua'. Ninano pairanën acoanta'huaso marë' huë'nahuë. Huëco canpitanta nicatahuatëhua a'canhua'. Inapotohuatëhua co huachi tēhuáponënpohuë', itërahuë.

¹⁸Ina quëran Yosë catahuarincosopita sha'huitërahuë. Ina nohuanton copirno nanan quëtërincoisonta sha'huitërahuë. Napotohuatora inapitaso':

—¡Huëco pa'ahua caniaritahua'! topi. Ina quëran sacatacaiso marë' noya ninontatona niachinicancanpi. ¹⁹Sanparato, Topiasë, inapitaso napoapohuë nocanatonaco, tēhuarinaco:

—¿Ma'cha canpitanta inaquë yaniantarama nicaya? ¡Copirno ipora no'huitoma', co huachi yanatëantaramahuë'! itërinaco. A'na hua'aonta', tēhuarincoi. Inaso Arapia piyapi. Quisimo itopi.

²⁰Tēhuapirinacoihuë':

—Yosë inápaquë hua'anëntërinso', catahuarincoi noya sacatarai. Quiyaso' ina piyapinënpitaco ni'toi, Quirosarin ninano anoyataantarai. Canpitaso nisharo'sanquëma'. Co ya'copitamaso ya'huërinhuë', itërahuë.

Inimicoro'sa napopiso'

4 ¹Ninano pairanën acoantaraiso' Sanparato natantahuaton, pa'pi no'huitërin. No'huitaton yaatapanincoi. ²Amiconënpita, Samaria sonto-ro'sa', inapita nontaton tēhuarincoi:

“Cotioro'saso', tanari yatëparárin. ¿Ina nipirinhuë' yasacatopi ti? ‘¡Naquë-ranchin ma'sha tēparahuatëhua Yosë chinotaantarihua'! ¡A'na tahuëri marëáchin sacato tēnarihua'! ¡Na'pi-ro'santa huiquitopirinahuë', yamopi quëran nasha pipipona'! tēcatona inaporapi ipora,” tēnin. ³Topiasënta ina pirayan huaniton, tapon: “Ni'co', nani pairatona na'pi aya'huiriraantarapi. Napoapohuë', anashiri tēranta nanpëtohuachin, nohuatapon,” tēnin tēhuaton.

⁴Napotápachinacoira caso Yosë nontato itapo: “Quëmaso Yosënhuëinquë. Nocanatonaco tēhuarinacoiso', natanquë'. No'huitonaco napotarinaco ni'ton, quëmari ana'intëquë'. Quëma nohuanton inimiconënapitari minsërahuatona', a'na no'pa'pa' tē'yachina'. ⁵Co noyahuë' cancantopiso marë' ama nicha'ëquësokuë'. Oshahuanpiso yonquiráquë'. Paira nicasocoi no'huaitërinaco ni'ton, inapotëquë',” itërahuë.

⁶Napotápirinacoihuë', co tananpitëraihuë'. Sacatápatoi huancopitontarai. Ya'ipiya quëran noya cancantërai ni'ton, napotërai. ⁷Inapotëraiso', Sanparato, Topiasë, arapiaro'sa', amono'sa', asototoro'sa', inapitanta natantopi. Co huachi intoparan ya'conacaisokuë' nipachina, na'con na'con no'huitopi.

⁸Napopináchin yonquiatona ahuëinacoiso marë' yahuëcapairinaco. Inapoatona sacatëraiso', yatapiantapi. ⁹Ina natantatoi, catahuaincoiso marë' Yosë nontërai. Naporahuaton tahuëri tashirë chachin a'paita'huaiso marë' niacorai. ¹⁰Napoin quëran Cota huënton sacatoro'sa chachinta napopi: “Na'pi pë'përo'sa sanpatopi huachi. Pa'pi notohuaro' na'pi yamorinso ya'huëarin. Quiyanta co huachi a'canchináchinhuë cancantërai,” topi.

¹¹Inimicoro'santa napopi: “Yaahuë-rëhuaso', ama nitochinasohuë'. A'nanaya ya'contatëhua tiquia'ahua'. Inapotatëhua atananpita'hua',” topi. ¹²Napopirinahuë', cotioro'sa inaquë ya'huëpisopitaso', apira apira sha'huitiirinacoi: “Itohuaran itohuaran yaya'contatënënuëma yaahuërinënuëma',” itiirinacoi. ¹³Napotohuachinacoira, sacatoro'sa quëmopinënpitarë chachin yapo yaporía paira nininquë acora'piarahuë. Sahuëninëna', nansa-nëna', pë'chinanëna', inapitarë chachin acora'piarahuë. Ya'coanaro'saquënta', inapotëra'piarahuë. ¹⁴Inapotopirahuë', të'huatopiso' nicato ya'ipi hua'ano'sa', ma'huano'sa', sacatoro'sa', inapita sha'huitërahuë:

—Ama inapita të'huatocosohuë'. Sinioroso' chini chiniquënnanantaton, pa'pi huëhuëpiro ninin. Ina catahuarinpoa ni'ton, ahuëtoco'. Iyanpoapita, hui'nanpoapita, sa'anpoa', pëinënpoa', inapita yonquiatëhua', ahuëtahua', itërahuë.

¹⁵Yosë nohuanton, chinotërinacoiso nitotërai. Inahuanta noyá niacorapiraíso' natantopi. Napoaton co huachi ahuërinacoihuë'. Napohuachina ya'ipicoi sacataantarai. ¹⁶⁻¹⁸Naporo quëran huarë', patomachin piyapinëhuëpita paraquë sacatopi. Patoma chachin: Sahuëni, nansa, iscoto, pë'chinan, inapita së'quëatona a'paitapi. Hua'na cotonsáchin a'momantapi. Hua'ano'sarinta sacatoro'sa noya catahuapi. Na'pi pë'përo'santa chi'yatapona pochin niyatainpita sacatapi. Ya'ipi sacatoro'sa sahuëninëna', pë'tënpiquëranchin sacatapi. Tronpita camayonta ca pirayan huanirin. ¹⁹Ya'ipi hua'ano'sa', ma'huano'sa', sacatoro'sa', inapita cari sha'huitërahuë: “Canpoaso', panca sacato nisarëhua'. Co inaquëráchin

sacatatëhuahuë', aquë aquë niacorëhua'. ²⁰Napoaton insëquësona tronpita pihuipiso' natanpatama', a'naroáchin ta'aintaco'. Naporo' Yosënënpoa catahuainpoaso marë' ahuëtarin,” itërahuë.

²¹Inapochin niacoatoi, i'huaquë huarë' i'huaquë huarë' sacatërai. A'naquënn sacatasoi', napopinchin nansanëna së'quërahuatona a'paitapi. ²²Napora-huaton ya'ipi sacatoro'sa inaranchin huë'ëcaiso camairahuë. Catahuatoro'sa quëran huarë', ina pochin camairahuë. Tashinta a'paitacaiso marë', tahuërinta sacatacaiso marë' napotërahuë. ²³Napora-huaton co i'nanpiratoi huë'ëraihuë'. Nansanta niacoantëraiquëranchin huë'ërai. Amaca'huaiso marëáchin i'nanpirarai.

Istrasë Yosë quiricanën nontërinso'

8 (Yosëri catahuarin ni'ton, paraquë sacatopiso' a'naroáchin a'canpi. Hua'qui quëran pochin Niimiasëso', ya'ipi cotioro'sa amatërin.)

¹⁻³Pascoa yoqui quëran saota yoqui a'na tahuëri na'huërapaso', ya'ipi cotioro'sa a'na prasaquë niyontonpi. Inaso' prasa, I'sha ma'caiso' ya'coana itopiso' notënanquë ya'huërin. Inaquë niyontonahuatona', Istrasë maistro Moisésë pënëntërinso' quirica nontacaso marë' sha'huitopi. Inaso' quirica, Yosëri chachin israiro'sa iráca anitotërin. Napotohuachinara, inaso quësa-huaton ya'ipi quëmapi'sa', sanapi'sa', hua'huaro'sa quëran huarë' natantonënuë nontërin. Tashiramiachin quëran huarë' caniaritërinso', nontochináchin camotëanatërin.

Ya'ipiya quëran noya natanápi. ⁴Naporo' quirica nontacaso marë', nontë quëran pë'satë nitopi. Inaquë huanirin quëran nontërin. Inchinan

quëran Matataiasë, Sima, Aniasë, Oriasë, Iriquiasë, inapita huanipi. Ahuënan quëranta', Pitaiasë, Misairo, Marquiasë, Asomo, Asapatana, Sacariasë, Misoramo, inapita huanipi. ⁵Yanontohuachina, inatohua huanirahuaton, so'nanpiso quirica oporinin. Napohuachina ya'ipiya quëran notërâpi. Oporinaso chachin natanacaiso marë' ya'ipiya quëran huanipi. ⁶Ina nontacaso marë' Istrasëso', anquirahuaton Yosë chinotërin: “¡Ma noyanquëncha quëmaso' Siniro ninan paya! ¡Ya'ipi nanitapaton chini chiníquën nanantëran!” tënin. Napohuachina, ya'ipi niyontonpisopitanta anquirahuatona': “¡Naporin mini!” topi. Napoatona isonpi quëran no'paquë huarë' monshomapi.

⁷⁻⁸Cosoi, Pani, Siripiasë, Camin, Acopa, Sapitai, Otiasë, Maasiasë, Quirita, Asariasë, Cosapito, Anan, Piraia, inapitaso nihuiro'sa'. Ina ni'tona Yosë pënëntërinso' nontohuachina, ma'sona tapon naporinsopita piyapi'sa a'ninquëchin sha'huitapi. Yosë pënëntërinso' quirica chiníquën nontahuatona', ma'sona tapon naporinsopita sha'huiantapi. ⁹Ina natanatona', niyontonpisopitaso na'nëpi. Napoaton Niimiasë, Istrasë, ma'sona tapon naporinsopita sha'huina'piro'sa', inapitari piyapi'sa achinicancanpi. Ama aquëtë sëtatona na'nëcaiso marëhuë', achinicancanpi. Naporahuaton ina tahuëriso', Siniro marë' acopiso tahuëri ni'ton, co na'nërâpaiso marëhuë' napotopi. ¹⁰Ina quëran Istrasëri itapon: “Paatoma noya coshatoco'. Huino sha'moronta o'oco'. Naporahuaton a'naquën co manta ya'huëtöhuachinahuë', përaco ca'painëma', o'opainëma'. Siniro marë' tahuëri acorëhua ni'ton, inapoco'. Ama sëtomarahuë' Siniro yonquiatoma noya cancantoco'. Inaso', noya a'pairinpoa',” itërin.

¹¹A'napita nihuiro'sarinta', na'nëpispita achinicancanpi: “¡Pora tahuëriso', Siniro marë' acorëhuaso tahuëri. Napoaton co na'con na'con na'nëcamaso ya'huërinhuë',” itopi.

¹²Napotohuachinara, inahuaso ya'huëpiquë pa'sahuatona', coshatopi, o'opi, napopi. A'naquëonta co ya'huëtöhuachinarahuë', ichica'pi, ichio'opi, inapotopi. Naporahuatona', a'chintopiso noya nitotopi ni'ton, capa cancantopi.

¹³Tahuëririnquë Israiro hua'ano'saso', niyontoantapi. Corto hua'ano'sa', nihuiro'sa', inapitanta niyontonpi. Istrasëre chachin Yosë quiricanën nontaantapi. ¹⁴Nontohuachinara, Siniro Moisësë quëran camaitërinso quënanpi: “Israiro'sa ina yoquiquë chachin shonca a'natërâpo tahuëritapaso', imënamëa'huaro'sa pita na'huëina',” tënin. ¹⁵Napohuachina, Quirosarinquë nisahuaton ya'ipi ninanoro'saquë, iso pochin nanan a'papi: “Tanano'saquë pa'sahuatoma', oripo, tanan oripo, arayan, inapita nara-ro'sa së'paquën maco'. Nisha nisha panpënta maco'. Panca ta'an nara-ro'sa së'paquën, inapita maco'. Inapita quëran imënamëa'huaro'sa nicarihua'. Quiricanënuquë ninshitopiso chachin nicarihua',” topi. ¹⁶Napotohuachinara, camaitopiso chachin macatona imënamëa'huaro'sa nipi. A'naquën pëinëna a'canpiso aipi. A'naquëonta', i'iratënuquë nipi. A'naquënso', Yosë chinotacaso pëi i'iratëquënta', acopi. I'sha macacaiso ya'coana notënanquënta', prasa ya'huërin ni'ton, inaquënta acopi. Iprain ya'coana itopiquënta', prasa ya'huërin ni'ton, inaquënta nipi. ¹⁷⁻¹⁸Nani acohuachinara, ya'ipi huënantapisopita, pita na'huëquë huarë', inaquë ya'huëpi. Iráca Non, hui'nin Cosoi itopiso nanpiso', na'huëpi

quëran huarë', israiro'sa co ina pita na'huëchinpihuë'. Inapoatona capa cancantopiso', canchisë tahuëri nanipi. Caniaritërin quëran huarë' Istrasëri Yosë pënëntërinso quirica nontërin. Nani tahuëri naporin. Ta'huantërinso tahuëririnquënta', Sinioro marë' niyontoantapi. Quiricanënuquë camaitërinso chachin nipi.

**Israiro'sa oshanëna marë'
Istrasë Yosë nontërinso'**

9 ¹Naporo' yoquiquë cato shonca catapini tahuëritahuaso', israiro'saso naquëranchin niyontoantapi. Sa'catën a'mosahuatona', mo'shiquë nisë'momotopi. Inapoatona co coshatatonaraihuë' Yosë nontopi. ²Nisharo'sarë niya'tontopirinahuë', inapita a'porahuatona', Sinioro marë' huanipi. Shimashonënapitarë chachin co noyahuë' nicatona oshahuanpiso', yonquipi. ³Naporo chachin Yosë pënëntërinso' quirica, cara ora pochin nontopi. Ina quëran nápo ora chachin oshanëna yonquiatona', Sinioro sha'huitopi. Naporahuatona Sinioro chinotopi. ⁴⁻⁵Ina quëran isopita nihuiro'saso', pë'satëquë nanpëpi: Cosoi, Pinoi, Catomiri, Sipaniasë, Otiasë, Pitaiasë, Poni, Siripiasë, Pani, Quinani, Asapaniasë, inapita. Inapitaso' chiníquën Yosë nontopi. Nani nontohuachinara, niyontonpisopita achinicananpi: "Sinioroso Yosënënpoa ni'ton, huanirahuatëhua ina chinotahua':

Inaso', ya'huëmiatarin. Co onporonta ta'huantarinhue'.
¡Noya noya ni'ton!
'Yosparinquën Sinioro,' itahua','
itopi.

⁶Istrasënta', Yosë nontaton tapon: "Quëmasáchin Sinioronquën.

Quëmari ya'ipi pi'iro'të acoran. Ya'ipi ya'huërinsoptarë chachin ninan.

Isoro'pa', marë, inapitanta ninan. Ya'ipi inaquëpita ya'huërinsoptarë chachin acoran.

Quëma nohuanton ya'ipi ya'huëapi.

Quëma nohuanton chachin ya'ipi nanpiapi.

Pi'iro'tëquë ya'huërinsoptita chinotarinën.

⁷Quëmaso' Sinioro, Yosënuquën. Apran huayonahuaton, Orë ninano quëran ocoiran.

Inaquëso cartioro'sa ya'huëpi. Ina chachin nininën canpiataton, Apraan itëran.

⁸'Tëhuëchachin natëarinco,' ta'ton, inarë'quën anoyatëran.

Canano'sa', itiro'sa', amororo'sa', huirisëro'sa', quiposoro'sa', quiriquireo'sa',

inapita no'panën matahuaton, shinpitari hua'anëntacaiso marë' sha'huitëran.

Quëmaso' no'tëquënáchin nonan ni'ton, sha'huitëranso chachin nanirin.

⁹Shimashonëhuëpita Iquipitoquë pa'pi aparisitapirinahuë', Quëhuai' marë yonsanquë na'nëtërinënso' natanaton, catahuan.

¹⁰Iquipito copirnonta ana'intaton, nani ma'sha pa'pi huëhuëpiro' nininsopita a'notëran.

Piyapinënpitarë chachin ana'intaton, napotëran.

Israiro'sa co quë'yatonaraihuë' aparisitapi ni'ton, ana'intaton, napotëran.

Inapoaton iporaso', sacóshin nahuinan.

- ¹¹ Marë patomaihuatana, yaniro-
 taquëchin
 piyapinën-pita pëntonpi.
 Imaquipisopitaso nipirinhüé',
 anpoquë na'pi t'ë'yaitërëso
 pochin nitëran.
- ¹² Piyapinën-pitaso' quëpahuatana,
 naporopi chitoro aquëchitëran.
 Tashinta pa'pachinara ina
 chachin,
 pën pochin huënaratërarin.
 Noya pacacaiso marë' a'pintë-
 rarin.
- ¹³⁻¹⁴ Ina quëran Sinai motopiquë
 nohuaraimaran.
 Naporo' inápa quëran noya
 nicacaiso marë' pënënan,
 camairan, naporan.
 No'tën nanan a'chintahuaton,
 yonquínahuan ya'huëcaiso
 marë' anitotëran.
 Pënënancoisopita, camairancoi-
 sopita, anitotërancoisopita,
 inapitaso noyasáchin ninin.
 Chinoto tahuërinta acotëran.
 Ina tahuëri noya nicatona',
 chinotiinënso marë' acotëran.
 Piyapinën Moisésë itopiso quëran,
 ya'ipi inapita anitotëran.
- ¹⁵ Tanahuachinaranta', inápaquë
 coshara ya'huërinso quëtëran.
 Yamorohuachinaranta', natëtë
 quëran i'sha ocoitëran.
 No'pa' quëtamaso quihuitë-
 ranquë ya'caritohuachinara:
 'Ya'conatoma hua'anëntoco
 huachi,' itëran.
- ¹⁶ Napotopiranhuë', shimashonë-
 huëipitaso' co natëtöpihuë'.
 Co natantochináchinhuë',
 cancantatona', co natërinën-
 huë'.
- ¹⁷ Quëmariso' na'con catahuapi-
 ranhuë',
- co ina yayonquipihuë'.
 Co natëtënënhuë' Iquipitoquë
 chachin
 panantacaiso' yonquiantapi.
 Ina marë' hua'an yonípi.
 Iquipitoro'sari camaiantacaiso
 marë' yatahuëréantapi.
 Napopirinhahuë tëranta', co ata'-
 huantëranhuë'.
 Noyápiachin cancantaton,
 a'naroáchin yanosrotëran.
 Co a'naroáchin no'huitëranhuë'.
 Piyapinën-pita nosoromiatëran
 ni'ton, co a'poranhuë'.
- ¹⁸⁻¹⁹ Oro asoquirahuatona toroa'hua
 nonanpi.
 Tënihuachinara:
 'Quëma Iquipito quëran ocoi-
 rancoi,' itopi moshatona'.
 Inapoatona na'aro tëhuëtërinën.
 Napopitërapirinhahuë', quëma-
 riso' nosororan.
 Nosoroaton co inotëroquë
 a'poranhuë'.
 Tahuëri nipachina, chitorori
 quëparárin.
 Tashinta', ina chitoro quëran
 pën pochin
 a'pintaton co patërinhuë'.
 Inapoaton no'tëquën paacaiso
 marë' a'notërarán.
- ²⁰ Quëma Ispiritonëni nosoroaton
 a'chintërarin.
 Mananta co osërëtëranhuë'.
 Yamorohuachinaranta i'sha
 quëtëran.
- ²¹ Inotëro parti catapini shonca
 pi'ipi nocomaran.
 Co manta ichipahuantëranhuë'.
 A'mopisonta', co mocarinhuë'.
 Iratápirinhahuë', co pomarantë-
 topihuë'.
- ²² Na'a nacion'sa hua'anëntopiso
 osërëtatón,

shimashonëhuëi ahua'anëntëran.
 A'na huënton a'na huënton
 no'pa' quëtëra'piaran.
 Sicon copirno Isponquë ya'huë-
 pirinhuë',
 no'panën osërëtatón ahua'anën-
 tëran.
 Oco copirnonta Pasan parti
 ya'huëpirinhuë',
 inanta no'panën osërëtatón
 ahua'anëntëran.
²³ Quëma nohuanton notohuaro'
 hui'nahuanpi.
 Tayoraro'sa nápo na'api.
 Shimashonënpita no'pa' quëta-
 caso
 sha'huitëranso chachin ahua'a-
 nëntëran.
²⁴ Napotëranso chachin shinpitari
 Canaan no'pa' hua'anëntopi
 huachi.
 Canano'sari inaso no'pa' hua'a-
 nëntopirinahuë',
 quëma nohuanton canapi.
 Inapotatona atapanpi.
 Na'a copirnoros'a ya'huëpirina-
 huë' canapi.
 Nisha nisha piyapiro'sa nipiri-
 nahuë', canapi.
 Canarahuatona', nohuantopiso
 nitopi.
²⁵ Na'a pairahuan ninanoro'sa
 ya'huëpirinhuë'.
 No'panënantanoya noya nipi-
 rinhuë'.
 Pëiro'saquënta notohuaro'
 ma'sha amëntatopi.
 I'sha tapainano'sa', oparoro'sa',
 oripororo'sa', nisha nisha
 cashino'sa', inapita ya'huëpi-
 rinhuë', ya'ipi mapi.
 Inapoatona noya coshatopi,
 o'opi, napopi.
 Inapoatona amonpitërapí.

Nosororan ni'ton, capa cancan-
 topi.
²⁶ Quëmariso' nosoropiranhuë',
 co natëtënenhuë' ano'huitërinën.
 Pënëntëransopita nocanatona
 a'popi.
 Quëma marë' pënëntopisopi-
 tanta tëpapi.
 Inapitari co noyahuë' nipiso
 a'ninquëchin sha'huitopi:
 'Ina a'porahuatoma', Sinioroí-
 chin tahuërëtocho', itopi.
 Napotopirinahuë', tëpapi.
 Inapoatona panca tëhuëtërinën.
²⁷ Napoaton inimiconënapitari
 canaipi.
 Inapitari hua'anëntatona apari-
 sitopi.
 Parisitatona nontohuachinën,
 quëmariso' nosoroantaran.
 Inápa quëran natanahuaton,
 catahuaran.
 Quëma nohuanton hua'ano'sa
 huanipi.
 Aparisitopisopita a'pacaiso
 marë' huanipi.
²⁸ Napoaponahuë', noya ya'huëan-
 tahuachina',
 a'naroáchin naniantaantarinën.
 Quëmari ni'sápiranhuë',
 co noyahuë' niantapi.
 Napoaton naquëranchin inimi-
 coro'sari
 minsërahuatona aparisitaantapi.
 Parisitatona nontaantahuachinën,
 nosoroaton inápa quëran cata-
 huantaran.
 Inimiconënpita quëran na'aro
 nicha'ëran.
²⁹ Quëma pënëntëransopitaráchin
 natëantatona',
 ya'huëcaiso pënënan.
 Pënënpiranhuë': 'Noya quiyaora
 ya'huëapoi,'

- tënëso pochin cancantatona co natëtopihuë'.
- Camaitëransopita, sha'huitëran-sopita,
 inapita natëhuachina ananpito-miatacaso nipirinhüë',
 co natëtochináchinhüë' cancan-topi.
- ³⁰ Napopirinhüë', na'con pi'ipi ahuantaton ni'sáran.
 Quëma ispiritonën quëran pënëntona'piro'sa ayonquiran.
 Inapitari pënënpirinhüë', co natëpihuë'.
- Napoaton nisha nisha naciono'-saquë quëpapi.
 Inapitari hua'anëntatona camaipi.
- ³¹ Napoaponahuë' nosoromiataton, co a'pomiatëranhuë'. Co ata-huantëranhuë'.
- Noyápiachin cancantaton, nosorochináchin cancantëran ni'ton, naporan.
- ³² Quëmaso Yosënhüëinquën.
 Chini chiníquën nanantaton pa'pi huëhuëpiro nininsopita ninan.
- Nosororancoiso' co nishatërinhuë'.
- Quiyarë'quën anoyatëransonta', inachachin nisárin.
- Napoaton parisitëraisó' no'të-quën tantiaquë'.
- Copirnonëhuëipita, hua'ano'sa', corto hua'ano'sa', pënëntona'piro'sa',
 shimashonëhuëipita, ya'ipicoi nani nohuantaso parisitërai.
- Asiria copirnoros'a quëran huarë' aparisitërinacoiso', ipora huanta inaporaí.
- ³³ Co quëma tëhuëran quëran parisitëraihuë'.

Quiyaora tëhuënhüëiquë paristarai.

Sha'huitërancoiso chachin co noyahuë' ninaiso marë'
 no'tëquën ana'intërancoi.

³⁴ Copirnonëhuëipita, hua'ano'sa', corto hua'ano'sa', shimashonëhuëipita, ya'ipi inapita quëma pënëntëranso' co natëpihuë'.

Camaitëransopita, sha'huitëran-sopita,
 inapitanta co natëpihuë'.

³⁵ No'pa' ahua'anëntëransoso', pancana nisahuaton noyaro'pa'. Inaquë nani ma'sha quëtëran.
 Inapotopiranhüë', co pa'yatatë-nën chinotërinënhüë'.

Co noyahuë' nipisonta co yaa'popihuë'.

³⁶ Napoaton iporaso', topinan quëran asacatárinacoí.
 Shimashonëhuëipita no'pa' quëtëran.

Sha'tatona capacaiso marë' quëtópiranhüë',
 inaquë chachin topinan quëran asacatárinacoí.

³⁷ Na'con nitërinso mapiraihuë', nisha copirnoros'a matërachincoí.
 Oshanëhuëi marë' ana'intoncoi,
 ina copirnoros'asaquë yo'nancoi.
 Pë'tahuanëhuëipita quëran huarë', nohuantopiso' nitopi.
 Inapoatoí pa'pi paristarai," itërin.

³⁸ Ina yonquiatoí: "Ipora quëran huarë' Yosëíchin natëarai huachi," ta'toi, quiri-caquë ina pochin ninshitërai. Inapotohuatoíra, hua'ano'sa', corto hua'ano'sa', nihuiros'a', inapitari hui'shapi. Inapotahtuatona sichotopi huachi.